



REPUBLIKA E KOSOVËS
REPUBLIKA KOSOVA – REPUBLIC OF KOSOVO
KËSHILLI GJYQËSOR I KOSOVËS
SUDSKI SAVET KOSOVA - KOSOVO JUDICIAL COUNCIL

PANELI PËR LIRIM ME KUSHT-ODBOR ZA USLOVNI OTPUST-CONDITIONAL RELEASE PANEL

PLK. D. nr. 654/23

PANELI PËR LIRIM ME KUSHT, i përbërë nga Valdete Daka, kryesuese e Panelit, Burim Ademi dhe Argjira Asllani, anëtarë të panelit, me pjesëmarrjen e Mersime Mehmeti, u.d. koordinatorë të panelit, duke vendosur përkritazi me kërkesën e datës 30.10.2023, për lirim me kusht, të parashtruar nga E. D., për shkak të veprës penale Lëndim i rëndë trupor nga neni 186 par. 1 pika 1.3 të KPRK-së, i gjykuar me dënim me burgim në kohëzgjatje prej 6 muaj, me aktgjykimin e Gjykatës Themelore Prishtinë – Dega Lipjan, P.nr.449/22, i datës 09.02.2023, në pajtim me nenin 90 të Kodit Penal të Republikës së Kosovës (Kodi nr. 06-L-074), nenin 116, 117, 118 dhe 119 të Ligjit (08/ L-132) për Ekzekutimin e Sanksioneve Penale, dhe nenet 13, 14, 25 pika 1.1 si dhe nenit 35 të Rregullores së miratuar nga Këshilli Gjyqësor i Kosovës (Ref: KGJK, nr. 01/39) mbi Organizimin dhe Funksonimin e Panelit për Lirim me Kusht, në seancën e mbajtur me datë 07.12.2023, në selinë e KGJK-së në Prishtinë, mori këtë:

A K T V E N D I M

I. APROVOHET kërkesa për lirim me kusht për të dënuarin E. D. nga i ati Xh.dhe e ëma S., e gjinisë G., i lindur me datë ..., në H., rr. "...", Komuna P., shqiptar, shtetas i Republikës së Kosovës.

II. E. D. do të lirohet me dt. 08.12.2023, dhe do të jetë nën mbikëqyrje të Shërbimit Sprovues të Kosovës deri me dt. 17.02.2024.

A r s y e t i m

Me aktgjykimin e Gjykatës Themelore Prishtinë – Dega Lipjan, P.nr.449/22, i datës 09.02.2023, E. D. është shpall fajtor për shkak të veprës penale Lëndim i rëndë trupor nga neni 186 par. 1 pika 1.3 të KPRK-së, i gjykuar me dënim me burgim në kohëzgjatje prej 6 muaj.

Paneli për lirim me kusht me rastin e shqyrtimit të kërkesës, ka shqyrtuar raportin përmbledhës të përpiluar nga ekipi profesionist i Shërbimit korrektues të Kosovës, ashtu siç është përcaktuar në nenin 116 par. 6 të Ligjit Nr. 08/ L – 132 për Ekzekutimin e Sanksioneve Penale.

Pas vlerësimit të të gjitha të dhënave të paraqitura në shkresat e cekura më lartë, paneli ka gjetur se:

Në raportin ligjor për të dënuarin, vërtetohet se lirimi normal i të dënuarit është me datë 17.02.2024 dhe nga llogaritja e dënimit deri më tani rezulton se i dënuari i ka vuajtur 3 muaj, 20 ditë, ndërsa i kanë mbetur edhe 2 muaj, 10 ditë, të cilat do të mbikëqyrren dhe kontrollohen nga Shërbimi Sprovues i Kosovës.

Në raportin përmbledhës të Qendrës Korrektuese konstatohet se i dënuari ka treguar sjellje të mirë, nuk ka të dhëna për shkelje disiplinore. I angazhuar në programe sportive të organizuara nga Institucioni Korrektues. Sa i përket qëndrimit ndaj veprës penale i dënuari e pranon dhe ndjehet i penduar. Tutje në raporte është konstatuar se procesi i risocializimit të i dënuari ka arritur nivel të risocializimit duke rrjedhur normalisht.

Paneli konstaton se sjellja e mirë e të dënuarit gjatë mbajtjes së dënimit, faktin se i dënuari nuk ka të dhëna për shkelje disiplinore, shkalla e arritur e risocializimit dhe koha e mbetur në përpjesëtim me kohen e vuajtur ngase ky person ka vuajtur më shumë se 1/2 e dënimit që nga data 17.11.2023, ka arritur qëllimin e dënimit të paraparë sipas nenit 5 dhe 6 të LESP-së lidhur me nenin 38 të KPRK-së. Po ashtu, gjatë vlerësimit të kërkesës për lirim me kusht ka vlerësuar edhe premtimin e dhënë zyrtarit të Shërbimit Sprovues të Kosovës se do të bashkëpunojë me këtë shërbim deri në përfundimin e mbikëqyrjes së liritimit me kusht dhe se me një mbikëqyrje efektive i dënuari me lehtësi do të ri-integrohet në familje dhe shoqëri në pajtim me ligjin.

Paneli vendosi që ta lirojë me kusht personin e dënuar E. D., ai do të lirohet me kusht me dt. 08.12.2023 (e premte ora 16:00), nën kushtet e mëposhtme:

Brenda pesë (5) ditësh nga data e liritimit nga burgu të lajmërohet në Drejtorinë Rajonale të Policisë së Kosovës, përkatësisht të Shërbimit Sprovues:

1. të raportojë rregullisht në Shërbimin Sprovues deri me 17.02.2024;
2. në rast të ndërrimit të vendbanimit ta njoftoj policinë dhe Shërbimin Sprovues;
3. të mos tentojë që të udhëtojë jashtë shtetit, pa miratimin e Panelit për Lirim me Kusht;
4. të jetë me i kujdesshëm me sjelljet e tij në të ardhmen.

Udhëzim për Qendrën Korrektuese:

Qendra Korrektuese ku personi i dënuar është duke vuajtur dënimin duhet të ndërmarr veprimet si në vijim:

- I.** kompletin Aneksin 2 – Komunikimi i Liritimit me Kusht Gjykatës kompetente;
- II.** kompletin Aneksin 2a – Komunikimi i Liritimit me Kusht Policisë;
- III.** kompletin Aneksin 2b – Komunikimi i Liritimit me Kusht Shërbimit Sprovues;
- IV.** i shpjegon plotësisht personit të dënuar kushtet e liritimit (obligimet ligjore mbi zbatimin e vendimit - kushtet mbi raportimin dhe pasojat e krimeve tjera).

Udhëzim për Drejtorinë Regjionale të Shërbimit Sprovues:

Drejtoria Regjionale e Shërbimit Sprovues duhet të ndërmarr veprimet si në vijim:

- I.** Drejtoria përkatëse regjionale e Shërbimit Sprovues duhet që të raportoj jo më larg se tri (3) javë nga data e liritimit të të dënuarit, gjithashtu e mban të informuar panelin me raporte periodike deri në skadimin e kohës së rregullt të dënimit.
- II.** Zyrtari Sprovues udhëzohet që të fokusohet mbi orientimin e të liruarit me kusht në kuptim të respektimit të kushteve të caktuara sipas aktvendimit të panelit. Duke u bazuar

në kohën e lirit të zakonshëm të dënimit për të dënuarin, ai do lirohej me datë 17.02.2024. Rekomandohet që i liruari të mban me vete aktvendimin mbi lirim me kusht gjatë tërë kohës deri në skadimin e lirit të tij me kusht, që është caktuar me 17.02.2024.

Personi i cili është liruar me kusht është i njoftuar me faktin se:

- Lirimi me kusht mund të revokohet, dhe në disa raste duhet të revokohet, nëse i dënuari, gjatë lirit me kusht kryen një apo me shumë vepra penale, neni 91 i Kodit Penal të Republikës së Kosovës – Kodi nr. 06/L-074;
- I liruari me kusht është i obliguar që të njoftoj Policinë dhe Shërbimin Sprovues brenda 5 (pesë) ditëve të lirit, për vendqëndrimin e përkohshëm të tij apo saj gjatë periudhës së lirit me kusht;
- Gjithashtu personi i liruar me kusht është i obliguar që të raportoj në Shërbimin Sprovues gjatë periudhës së lirit me kusht;
- Nëse i liruari me kusht e ndërton vendbanimin, është i obliguar që të njoftoj Policinë dhe Shërbimin Sprovues;
- Nëse dështon të informoj apo raportoj siç u përmend me lartë, paneli mund t'a revokoj vendimin për lirim me kusht, neni 119 paragrafi 4 i Ligjit rr. 08/L-132 për Ekzekutimin e Sanksioneve Penale lidhur me nenin 36 të Rregullores së miratuar nga Këshilli Gjyqësor i Kosovës (Ref: KGJK, nr. 39) mbi Organizimin dhe Funksionimin e Panelit për Lirim me Kusht;
- Gjithashtu nëse dështon që të raportoj para SHSK-së siç përcaktohet në vendim, paneli mund ta revokoj vendimin për lirim me kusht (neni 119 paragrafi 4 i Ligjit Nr. 08/L-132 për Ekzekutimin e Sanksioneve Penale).

Nga sa u tha si më lartë, në bazë të nenit 25 pika 1.1 të Rregullores nr. 01/39 të Këshillit Gjyqësor të Kosovës, u vendos si në dispozitivin e këtij aktvendimi.

**PANELI PËR LIRIM ME KUSHT
PLK. D. nr. 654/23, dt. 07.12.2023**

U.d. Koordinatore e Panelit

Mersime Mehmeti

Kryesuese e Panelit

Valdete Daka

Këshilla Juridike: Kundër këtij aktvendimi nuk është e lejuar ankesa.